

7/15
67

孝
地
逆
記

111
67

第 一 卷 游 記

明 兩 山 志






健

1972
4月 21
肉森

明治己酉一月

公爵博文

題



探古跡
養文心



摘錄藍田翁笛別

詩中語以代題言

光顯



吾好遊。西自耶馬溪東至妙義金洞。雕鏤燕
詞以自喜矣。今茲戊申十一月。藍田股野君
游歸見示此編。其遊也自韓入清。經金州旅
順以觀王師用武之蹟。慨然弔國殤。又過山
海居庸二關。瞻萬里長城。風雲慘澹。飛沙撲
面。度易水想荆卿。水聲猶怒。於是乎蒼蒼莽
莽。幽燕千古之感。鬱勃毫端焉。余不覺浮一
大白讀之。既而踰黃河。望明月於武昌。開快
帆于洞庭。聽歌秦淮。攬奇西湖。則其詩清秀

領吳楚芳華。余又浮一大白讀之。嗚呼吾輩
遊蹟真類井蛙。乃欲焚筆硯。少焉醉氣普騰。
凭几而睡。夢登岳陽樓。詩酒淋漓。與文士會。
遽然夢覺。興未盡。卽操筆序之。

明治四十一年冬

省軒 龜谷行撰

藍田先生歸自支那。著其紀行。使余訂評。叙
事之文。奚囊之詩。如天外徽音。從空飛來。如
朝陽威鳳。偶落一毛。溥萬里之慈雲。作兩湖
之甘雨。放翁入蜀記。有此清秀可愛。而無此
奇異峻拔。石湖吳船錄。有此奇異峻拔。而無
此清秀可愛。余尤服辯東坡赤壁一條。隨園
隨筆曰。今江漢間稱赤壁者有五。周瑜破曹
操處。惟江夏近是。東坡指黃州赤鼻山爲赤
壁。恐誤。今先生所辯。與隨園符。非絕世聰明

先知先覺。安能有此見解。其他見聞之博。考證之明。若燭照而數計也。後之遊支那者。以此篇爲指南車。思過半矣。

明治己酉春王一月

恕軒耄叟信夫榮撰

以官遊。不如以私遊。以私遊者。有文雅風流。蕭散自適之娛。然至禁省宮殿之美。金匱石室之秘。則或不得縱觀。是亦有須於以官遊也。頃藍田股野君。被示葦杭游記一卷。展閱一過。雄都之風物。江山之偉跡。寶朋邂逅。勝會徵逐。或覽寶庫。或品古器。有從容快暢。以私遊之趣。而無齷齪窘束。以官遊之態。是葑菲官私兩者之遊也。况編中佳篇秀句。層出無窮。視之從來游海外紀其行者。可謂出一

頭地矣。君今爲帝室博物館總長。纂此行所
獲數千年古國之古典事物。徵之博古之學。
參互考訂以發其真趣。則其益於本館。而補
於藝林。蓋有非尋常論述所及者焉。是爲序。

明治四十二年己酉紀元節

土屋弘拜撰

葦杭游記

藍田股野 琢著

明治四十一年九月。乞暇將游清韓。賦此告別諸友。

休笑桑蓬宿志深。秋來興旺不能禁。大鵬羨彼垂天翼。
老驥憐吾伏櫪心。墨浪歐游勞遠夢。箕邦禹域擬周尋。
一朝辭闕航千里。欲向山河問古今。
數句賜暇。聖恩深。籠鳥飛翔喜易禁。難入蜀山探古
跡。且沿淡水養文心。有時斷碣剝苔讀。到處名流投刺
尋。東海無波秋日美。閑游季節不如今。

兩聯共妙老杜遺
真信夫恕軒
開卷二休已括此
游之概况土屋風洲
兩聯雄壯可以充
葦杭遊記序首
三四流麗漁洋風
味軒

予雖足跡及歐洲
無手跡漸々成
其然豈其然乎
忽軒
讓一步長者謙抑
可欽
中洲

半綿如畫
忽軒

廿一日午後三時發新橋。故舊相送壯吾行。余即吟曰。
跋涉清韓千里程。遠游欲慰暮年情。故人相送壯吾意。
不及成翁歐米行。

且曰。余齡不迨翁十歲。學亦不迨翁。不翅遠游也。衆一噱
而別。與同伴今泉美術部長話。至夜分就寢。鐵輪轟々撼
夢而駛。覺則身既在神戶。

二十二日經須磨抵舞子。昨雨全霽。烟波如熨。

松青沙白海光晴。嶋影帆光取次明。霞彩淡粧秋色媚。
又看舞妓蕙風情。

過龍野驛。遙拜家山而行。經岡山抵糸崎。

疎宕有真氣
忽軒

實況
中洲

纖巧
忽軒

坐過山陽州。又州斯行我亦賦悠悠。風光偏勝春帆雨。
快睹星翁夢裡洲。

過廣嶋。左宮島而行。自福川至富海。隧道長短數十。乍入
乍出。又暗又明。明處群嶋錯落。海光可挹。

忽出灣頭忽洞中。岡巒起伏隧相通。看過富海福川勝。
不讓糸崎奇景豐。

七時下牌達馬關。直搭汽船。九時解纜。波恬夢穩。

二十三日曉入釜山港。五大岩屹立海門。人家遠港。風帆
來往。景趣可觀。有小丘曰龍尾山。有祠曰龍尾神社。祀加
藤肥州公也。下瞰則連甍爲市。我邦人所占居。旭旗相映。

高明朴雅 恕軒

以祝秋季皇靈祭亦足以觀我國之光矣。埠頭喧噪。從勞
役者皆白衣人也。

眼底連雲翻旭旌。邦人來往逐年滋。追懷鬼將舊威武。
龍尾山頭崇一祠。

十時乘汽車。偶見行李插一小銃。是隨行早崎某所携。曰
西安多鴻雁。將獲之以侑晚斟。戲賦。

有一少年肩銃隨。舟車程急欲何爲。自言行獵西安雁。
人笑其迂我愛痴。

沿洛東江而行。江似我木津川而緩。透迤於峰巒間。村落
寥寥。屋極矮小。而人皆衣淨白。不類其居之陋。時見江中。

情狀欲絕 恕軒

積石造小釣臺。踞而投竿者。又有驢背持傘。款々而行。皆
可入詩。

山容溫雅水光清。江喚洛東還有情。一傘騎驢人似畫。
白衣皂帽趁秋晴。

過秋風嶺。

穩倚車窓度翠微。溪光嵐色悅人希。夕陽影冷秋風嶺。
一任秋風吹客衣。

夜九時達京城南大門。曾禰副統監。佐竹秘書官相迎入
天真樓。話舊數刻。

二十四日早朝登南山展望。天氣清爽。官衙市街。歷々在

真可詩 中洲
巧而不窮 恕軒

老氣無敵 恕軒

觸眼亦想起我邦
遊觀漢都先米西
克想像日光兩嶺
之勝過湖西諸湖
回想包湖霞浦之
觀街成吟今猶
觀物于胸臆成齋
才筆相副趙雲軒
再生

目。群。山。四。圍。頂。列。堅。壁。地。形。土。質。酷。似。我。奈。良。下。步。市。街。
皆。我。邦。人。廬。舖。也。
街。路。縱。橫。接。鳳。閣。四。圍。山。影。靜。秋。塵。我。來。不。作。異。鄉。感。
唯。怪。鷲。衣。烏。帽。人。
進。抵。鐘。路。比。屋。矮。陋。即。韓。商。所。居。也。白。衣。負。戴。道。路。婦。人。
則。以。被。覆。面。有。閑。雅。淳。樸。風。轉。使。人。追。想。我。奈。良。朝。風。俗。
午。後。至。統。監。府。觀。所。購。古。書。頗。饒。珍。奇。曾。繡。氏。延。余。其。邸。
開。小。宴。
廿。五。日。往。觀。景。福。宮。故。大。院。君。所。創。築。自。光。化。門。入。樓。閣。
殿。堂。項。背。相。望。結。構。莊。麗。而。荒。艸。沒。階。老。蟲。咽。露。蓋。自。閔。

妃之變廢而不用。其罹禍處。撤其室而存其跡。傍人說當時慘狀太詳。使人愴然。有書房。收藏不下十五萬卷云。晚上花月樓。應黑田三宅大岡鮎貝阿川諸氏招宴也。席上賦似。

秋。風。吹。我。入。京。城。花。月。樓。頭。話。友。情。汗。漫。之。遊。君。莫。笑。
白。頭。而。目。老。書。生。

廿六日早起。過黑田氏山莊朝餐。觀其珍玩古器。莊據南山。泉石花草不受市塵。幽清可愛。十時至統監邸。與曾爾氏禮服赴昌德宮。入教化門。謁韓帝於勤政殿。具奏皇太子留學近狀。帝有喜色。小宮宮內次官導余觀內

七絕神境 恕軒

一氣呵成 成齋
一起四句妙在自
然 鳳洲
二聯濃淡相配作
家手段 恕軒

苑。據山引泉。松逕窈窕。傑閣小亭。高低參差。鵲飛鶴舞。亦
一仙鄉也。午後過大韓病院。佐藤院長相迎。巡覽病室及
庭園。是皆近時所新設。規畫可觀。六時赴副統監招宴於
統監邸。會者三十六人。韓國貴顯居其半。中有金中樞院
議長。今夏來我邦。唱和於末松氏邸者。宴後別開翰墨筵。
余乃用前韵。卒賦以贈。
蕭。心。霜。冷。一。瞥。忽。秋。風。再。會。如。尋。約。新。盟。欲。守。終。寸。
心。知。得。失。千。古。有。窮。通。隨。藻。助。清。興。吟。懷。詎。競。工。
金氏和余近製七絕見酬。宋內相拉余登花月樓。閔宮相
曾副統監等踵至。酣暢快談至夜分。

專樂七朝開明實
自轉國幣鑄造坑
發掘貨幣線兵
學布教修史練多
以至工藝之末動
輒資於佛世之成
夫以佛世之成
繼佛 恕軒

二十七日閔宮相特遣秘書某云。請期明日。與內閣諸員
會飲。余以前程有期辭焉。宋內相亦來強之。余以前言固
辭。過結貝氏。觀古器物。概係古陵墓所出。多逸品。自余來
此地。徵其所見。聞倍知我。奈良朝文明。自有淵源。
觀光三日。滯京城。使我轉催懷古情。不獨江山似寧樂。
土風民俗想天平。

廿八日午前七時發京城。賦似西湖。

一葦航來遠客心。却欣海外遇知音。樽前爾汝留三日。
卅載交情轉覺深。

午後三時入平壤城。巡覽萬壽臺箕子陵等。

結得深厚 恕軒

簡練遒勁 忽軒
荒城七字寫盡今
日狀況 鳳洲

嚴整 忽軒
壯快可喜 鳳洲

流暢似放翁
鳳洲

箕子陵前箕子碑。荒城殘壁夕陽悲。古提封廢幾千劫。
借問英靈知不知。

又攀頽壁登乙密臺。大同江流脚下大雪山。酒岩諸名勝。
盡聚目睫。風景雄潤。使人呼快。更攀險。過玄武門。上牡丹
臺。乃征清役劇戰處。

牡丹臺破陣雲。隕玄武門功何烈哉。獅奮虎爭當日蹟。
山河歷々壯吟懷。

下過永明寺。菊池理事官。艤小舟而待。舉杯相屬。隔水望
綾羅洲。仰崖觀浮碧樓。眉月掛其上。秋景殊可賞。

綾羅洲外夕陽流。浮碧樓前來去舟。話盡古今頻把盞。

沈蒼老成 忽軒

纖々月照大同秋。

廿九日前六時發。午後二時抵新義州。是爲韓清疆。安東
縣領事岡部氏遣人艤小汽船迎余。渡鴨綠江。登小丘。弔
征露戰跡。

批聯虎狼字映帶
妙 成齋
老木無枝槎枿
表 忽軒

滾々長江劃滿韓。想曾天險架橋難。豺貅夜渡虎山麓。
狼狽知他心膽寒。

通覽市街。邦人二千戶。清人三萬。概係戰後經營云。可謂
盛矣。

三十日前七時發。所搭汽車係戰時所設。似我電車稍小。
連結三箱。每箱可容八人。車中間小林少佐野村大尉談

簡勁奇拔 恕軒

敘事有精采比擬 鳳洲

與我山水比較使 臥遊者如遊真境 中洲

文亦宛轉奇甚 成齋

先勞者後遊者天 數亦可乘 恕軒

征露戰狀甚詳。

彼山敵所製此峰我所收聞人話戰跡經過南滿洲
丁義山巨巖聳立似我妙義山而小鳳凰山嶺空插空似
我金洞而大汽車遠其趾半日閉山上有水有田有僧舍
有林園亦似我高野山過鷄冠山軌道蜿蜒如長蛇循嶺
環溪迂曲旋轉如上如下如往如還奇觀不可狀纔得出
山又入黑坑山比前山更奇
螺旋蛇走往如還鐵路縈回溪壑間誰識當年征戰苦
奇觀坐過劫餘山

午後七時抵草河驛宿日新館矮陋才足容膝我邦人來

惜不使山陽觀之 恕軒

山陽云那馬溪山 天下無始就我一 邦而下耳比之公一 狹而呼後世可畏 也夫 恕軒

住者二十餘戶口數不過百云。

十月一日前六時發又與小林野村二氏同乘秋山澄清
且眺且談自連山關至橋頭半日程山秀水清似我耶馬
溪雄麗過之奇嶂峭壁楓菊粧點釣魚臺景尤勝

怪巖竒立一溪流楓菊描成金碧秋恨不緩筇探絕勝
漫遊猶有去程悠

山骨岬然苦作衣釣魚臺鎖古禪扉賴翁不識此奇絕
漫道馬溪天下稀

抵本溪湖驛左側有大倉組採炭場炭屑頗饒但搬運不
便其業未盛云過石橋子田野空濶四望無際時見小丘

數句簡盡 鳳洲

白登錄取 中洲

小村耳。然耕耘殆無餘地。畛域廣濶。非我邦之比。午後七時達奉天府。清祖發祥之地。古瀋陽城也。投瀋陽館。二日早朝步入郭。郭方四十二町。以磚石為壁。壁上有銃眼。設四門。架以二層樓。中央有鐘鼓。二樓制同樓門。是為內郭。故有外郭。後撤去之。四面空濶。無一掩堡。當時攻守之難易可知也。我邦人之來居者八百餘戶。三千二百餘口。別有軍團千二百餘人。清人五萬五千餘戶。十七八萬口。今猶稱滿洲第一殷富之地。車馬繹騷。街路污壞。奇臭衝鼻。飛塵打面。可厭也。到我領事館。館員某導觀古宮寶庫。交涉司司使陶大鈞氏來會。庫中收藏物件。不知幾千

叙寫精細狀況宛

乾隆盛時可想 中洲

藍田君職管正倉院寶庫又為博物院長故鑿評高深非余輩所能評古之非比 文亦光彩陸離使讀者目眩神飛 登觀者之山滿眼無非珍玉而有千金之珍有萬金之寶博覽之長平室觀物館總業其美矣而可如况叙其美精巧若繪錦數

萬。有乾隆帝黃藍二袍。金線繡龍。龍身填以真珠。裳繡巨岩激浪。亦以珠玉粧之。有朝珠連環。以指頭大真珠珊瑚造之。有整飾以金銀珠玉。有玉刀十餘把。及長二尺許。稱截玉。亦皆裝以珠玉。就中白玉把。嵌碧琅玕紅玉及珊瑚尤美。又有佛王所贈二小刀。把以金剛石填之。鞘用黃金鏤草花。寶光燦爛奪目。又有繡畫二幅。一描觀音。一描彌勒。佛身皆以真珠裝填之。精巧無比。此數品皆希世之珍。使人嘆賞不措。有西清古鑑裝套極莊重。其數亦不渺。古則古矣。然比之我正倉院及博物館所收藏者。恐有遜色。又有乾隆窯陶器。其數大小十二萬餘云。余驚其多。午後

可謂雙壁獨此
批點紛紛之
恕不若

邦人所不能夢見
噫可羨哉
萬卷一手讀至此
肅然起敬
鳳洲

驅車里餘。赴北陵。老松爲林。區域頗廣。入門一路甃石。左右置十餘石獸。入廟門。石壁四圍。有關安太宗神位。是爲廟。廟後有陵。廟前有堂。堂中有碑。高二丈餘。蓋石負之。大一丈五尺餘。用一寒水石造之。結構頗壯。別有東陵。祭太祖。聞其制與此陵無異。

三日朝復赴古宮。過一殿。又過一樓。至後殿。左右有廊。廊堂舍。雙々相對。畫棟華棖。屋瓦黃碧。崇政殿中央安玉座。鳳翥龍翔。細鏤深刻。光彩陸離。入文溯閣。閣三層。即四庫之一。所藏除圖書集成外。皆係抄本。卷帙浩漭。裝釘整然。用四色絹表。識其部類。披而閱之。書體端正。逾美。萬卷如

出。一手。寶。文。海。無。比。之。寶。也。

三百載清祚。發祥知有源。郊原農產富。車馬市聲喧。寶器傳仙闕。瓊樓護郭門。遷都今已久。猶見舊乾坤。

午後六時發。夜過遼陽。

四日午前十時抵旅順。投大和館。驅馬車登白玉山。望見彼經畧之概。又聞當時戰况。壯烈之狀。使人栗然。

軍衙商戶。遶灣頭。堅壘連山。車馬通遠。大見他經紀畧。擬將威力壓洋東。

破壘山連渤海邊。電飛雷激想當年。我軍功烈震天地。請看鐃歌餘響篇。

詳記守備堅牢之
難攻之偉勳
中洲

余嚮有饒歌餘響之著。賦征露戰况。中有旅順陷沒歌。叙王師勳績。故及之。

亭午歸館。邂逅坂谷男。男遊歐米。歸途過此地也。往觀戰利品陳列場。遂上鷄冠山。敵壘之據山者皆破碎。此獨存舊形云。礮臺環以深塹。有資有窟。石壁鐵扉。鑿開銃眼。臨機應變。操縱大小砲。其防守之嚴。方畧之密。稱為難攻不落。良有以也。

積骨埋屍。勝敗分。深濠堅壘。扼懸軍。敵逾獍。猛我逾銳。奏得驚天動地勳。

遙望老爺山。所謂二靈山。峰勢最高。當時勝敗大勢之所

判。苦戰可想也。日將夕。匆匆抵停車場。六時搭火車向大連。

五日午前九時。達大連。投遼東館。觀新市街。塵舖連櫳。頗覺壯麗。邦人所建設不尠云。海則灣濶水深。峰巒環匝。僅通一航路。五埠橫列。大者可以繫巨舶。十五隻。鐵車達埠頭。以便搬運。是皆露人所創設。稱東洋第一良港。

陸修鐵路設康衢。海築石堤開遠輪。惜我港灣無可比。經營驚看大規模。
五埠頭連一市區。併將旅順見雄圖。高樓大廈劫餘物。留與邦人作市衢。

敘事簡括 風洲
露功亦不可沒 中洲

誠知彼知己古人所 中洲

午正力石民政署長。招飲竹扇亭。五時歸寓治客裝。七時發。六日過大石橋。前六時入營口。邦人二千餘戶。清人六萬餘戶。口數合十萬許。今則邦人來者較減云。朝餐於清林館。九時渡遼河。濁流瀾漫。大小船舶。往來輻輳。盛於鴨綠江。抵溝堡子站。轉乘他軌而行。田野曠漠。時見數家村。皆矮小土屋。榆柳疎々。風趣索然。抵錦州始看山。十時達山海關。亦有城郭。戶數二萬餘。我邦人不過百餘口云。投石見館。館清人舊棧。少加補修。強充旅舍。器什不備。陋可厭也。

七十年前余讀史
地耳其名未目其
地今被吾兄著先
韓退之封地乎遊
魂或遊書中
中洲

七日前九時發。臨發上車站鐵橋。遙望萬里長城。天下第一關。關倚嶙峋。左右連峰。城壁屏列。最高處見一寺。號曰角山。係二千年外創立。今猶嚴守。禪規云。過昌黎縣。亦有城郭。郭後山皆礮礮。石骨枯瘦。處々有寺。頗添畫趣。過唐山。大廈櫛比。烟筒叢立。爲一股富地。過蘆台。沽沼渺漫。不見際涯。若我印幡湖。過天津。夜七時入北京。投扶桑館。八日朝抵日本使署。午後往觀西便白雲觀。道士所居也。堂宇殿廊頗可觀。團匪之亂。燒失正門。會我軍來營。爲改造之一觀。至今德之。長老出接客。館扁去住無心四大字。余乃賦一詩以與。

悠然自在
森槐南

清虛不許世塵侵。靈殿沈沈香火深。去住兩應無掛碍。
白雲觀裏白雲心。

庭園分數區。有雲根聳翠等稱。疊石擬絕壁。上置小亭。凡俗不足觀。去過天寧寺。堂宇殘壞。屋破牆頽。有八角塔。磚石築之。高清尺五十七尺餘。四方刻佛及獅。頗有古色。隋代物云。又去抵天壇。朱門石路。進登壇。壇圓形三層。以石築之。每層有欄。壇上有圓閣。高數丈。結構頗美。爲清帝冬至祭天之處。降過二門。又有三層圓壇。畧同天壇而無閣。祭日假設殿以充天子更衣之室云。規模廣濶。結構莊嚴。使人起敬。此日當陰曆九月望。夕陽未沒。圓月既出。振衣

善願海鷗外臣之
禮宜然。成齋
此事今已成千古
矣可嘆。槐南

立壇上。遙望萬壽山。兩宮駐蹕於此云。清人稱兩宮指
清帝及西太后也。

日未全沈。月出東。祭天壇上。嘯秋風。宸暉一片慶雲紫。
萬壽山遙護兩宮。

九日前十時。西直門外乘火車。抵南口午餐。備轎攀崎嶇。抵居庸關。關疊磚石塞路。設洞門。通人馬。所謂一夫當路。萬夫不能前者。過關沿溪而行。抵彈琴峽。怪石亂流。似我函嶺。峽上即長城也。石礎瓦壁。高數丈。厚數間。上設女牆。如列凹字。處處有望樓。奉天北京其他府縣城壁皆據此制。但有大小之差耳。此亦經明清修築者。非秦代之舊。

奉天北京云々回
風洲

在德不在險萬古
缺案 中洲

瓦壁猶存亦一奇。長城萬里果何爲。始皇曠古大英主。
三世而亡知不知。

夜九時歸南口。

奇狀可發一笑
中洲

十日味爽。又乘轎而出。轎用籐椅子。兩邊着丈餘圓木。結
繩其兩端。以三尺餘小木穿繩。四丁擔之。乘如倚椅。攀險
行遠。簡而便矣。然宛然鳥羽。僧正畫中之人也。行數里。抵
明陵。第一牌樓高五丈許。寒水石造之。楹栴柱礎。各一石。
彫刻精巧。設五四門。進入第二門。煉瓦造之。稍小。第三門
亦同而頗大。中有明一大碑。陰勒乾隆帝重修明陵三十
韻詩。處々破損可惜。然奉天東北二陵猶且不修。況於此。

古今東西多兒戲
何曾一支那
中洲
有識之語 瓜洲

陵乎。一嘆而過。兩傍有石獸廿四。麒麟駱駝獅象及馬。起
者伏者兩々相對。其大皆倍實。又石人十二。爲文武官。肅
然正列。其大亦三倍。盡寒水石也。彫刻極其精巧。是蓋出
于帝王示威之畧。世稱其壯麗。然究竟兒戲耳。於家國有
何補。進入廟門。更進第二門。經階入廟。一龕安神位。自龕
背攀階數十級。樓上有大碑。刻成宗文皇帝廟六大字。廟
後有陵。他十二陵皆依此制而稍小云。

朱明社稷幾安危。累祚十三終不持。石獸石人空萬古。
示威之術亦何奇。

彫楹畫棟玉欄干。古廟猶觀王氣殘。無復後人修廢宇。

四觸八字寫得妙
困憊可想予亦符
遇此厄成齋
荒廢可嘆中洲
有路如無路妙
成齋

歸沸二字自毛詩
來一熱一溫取諸
驚寒論兄博洽可
恕軒

秋階草老夕陽寒。

觀畢返南口。搭汽車抵沙河。更備馬車箕踞而乘。村路險惡。車體傾危。頭觸身顛。困厄數里。赴湯山離宮。

城外渺茫山影斜。耕耘地澗少人家。郊原有路如無路。亂石深泥欲沒車。

既至。門破垣倒。宮廊荒殘。蔓草沒脛。庭有二池。幅員二十五步。長倍之。白石甃之。爲龜甲形。階欄皆有彫刻。結構宏麗。溫泉感沸。一熱一溫。引之別房。以便臣妾澡浴。使人想其盛時。聞乾隆以降。龍駕屢駐蹕。而今則爲狐狸巢窟。距都不太遠。棄而不顧。惜哉。余一浴。見小魚游槽。唐驪山宮。

溫泉玉魚亦此類歟。

靈泉噴玉暖含春。草沒瑤階池委塵。無復翠華來賜浴。空教狐貉學妃嬪。

夜宿關帝廟。余曰。曾讀聊齋志異。虞書新志。有落第生過城隍廟。爲狐所魅。金殿玉樓。身極高榮。覺而惘然者。余輩無非亦然乎。相顧一笑。

十一日朝返沙河。乘火車。午後一時半返北京。游西直門外樂善園。園蓄禽獸。殖草花。有池沼。有堂樓。規畫可觀。近時創設云。七時應阿部代理公使招飲。到日本使署。

十二日朝抵觀象臺。臺上陳舊儀觀測諸器。頗覺莊重。去

人生一夢何獨孤
中洲

楊羅氏盛衰可以
知矣
中洲

子亦遜那桐氏
於我公使麻舍通
劇而已此說大
佳夕成齋
不負吾黨之士
中洲

過雍和宮。元一離宮。清廷賜喇嘛僧居之。蓋控制蒙古之
一術也。殿堂廊門頗多。每過一門登一堂。僧徒覓錢煩冗
可厭。佛體怪異不足觀。去巡覽孔廟及國子監。無足記者。
午後過瑠璃廠。書舖骨董店群居。歸途訪岡田法學博士。
夜應其招飲赴長春亭。
十三日朝訪外務部尙書那桐。表對清朝之敬意。初阿部
氏曰。欲與大官會見。須迨早。通刺豫約其會期。余曰。費時
日以強求。一面識無益。若有喜讀書嗜文字。請紹介。曰。無
遂止。
午後往拜觀紫禁城。自正苑門入。有太掖池。界二橋爲三

何等壯麗 中洲
沈宋名貴 槐南
無瑕之璧 其響鏘
成齋

館之中庭有一桑
樹子常就其陰納
涼今猶夢寐不忘
成齋

區。稱南海中海北海。舟渡中海。過玉鯨橋。出北海。上瓊嶋。
礫石階百十餘級。登寶塔而展望。廻舟而返。至西太后
宮。自戶隙窺玉座。珠玉珍寶。雜陳左右。燦爛奪目。去詣
皇帝宸殿。戶階深鎖不可窺。皇后以其一樓充寢室云。
彫楹畫構。層樓傑閣。金碧炳耀。瑞氣襲人。
鳳翔鸞翥。氣佳哉。風拂瑤階。絕點埃。玉殿瓊樓。金碧麗。
瀛洲閩苑。畫圖開。接天寶塔。攀欄上。象海靈池。泛舫回。
積翠堆雲。含瑞色。恍疑身是在蓬萊。積翠堆雲。屬額所題。
十四日微雨。次壁間所揭重野成齋詩韵。有浹句留宿領
清涼句。

客歲成翁信宿牀。扶桑館裏倚秋涼。山河歷劫幽燕地。
我亦浹旬觀國光。

又得一詩。

每逢佳境役詞才。日夕輕車探勝回。衣上風籬積三寸。
燕京到處土如灰。

午後七時赴日本人會招宴於林屋。縱談酣暢。十時歸寓。
十五日前九時半。搭京漢鐵道急車而發。過保定縣。渡易
水。水淺流狹。過定州。遙望一大塔。唐開元年間物云。抵正
定府。城中見四塔。渡滹陀河。日暮過順德府。夜半渡黃河。
月色蒼涼。電燈補光。頗爲壯觀。鐵橋長十清里。聞橋礎鑿

讀到易水滹陀黃
河等字如遇滹
中洲

神禹難再生也
中洲

風土一變文亦一
風洲

河南北風土自古
異今亦然乎
中洲

河底疊石十五尺。架設之難可知也。倚車窺下瞰。濁浪渺
漫。河身往々見淤泥。當雨水氾濫。滔天之狀果何如也。

易水滹陀已瞥過。鐵車月夜渡黃河。不知治水有何術。
奈此滔々濁浪何。

過河則風物一變。山青水清。綠樹茅屋。田疇狹小。吟城判
然。蕎花曝雪。稻實收金。光景有似我邦者。車中午餐用煽
風器。氣候亦大異。

十六日午後三時。抵漢口。人皆着夏衣。俄覺微暑。高橋領
事誘余驅馬車。巡覽江畔。租界廣濶。本邦及歐米各國區
處。街衢整然。道路修潔。大廈駢立。規模似大連而更大。口

是其所以逐年繁
中洲

警勿不費多言
成齋

數稱百萬。
各邦租界逐年開地。擁長江氣象恢漢口。行將凌泥口。
吸收八省貨財來。

十七日朝乘小汽船抵武昌。黃鶴樓城煉瓦築屋。上置時
辰器。殺風景可厭。更經階而登新築一樓。號風度。惜此樓
不起。彼城登臨則城中萬象皆集眼底。口數稱廿五萬。繁
盛可知。隔江望鸚鵡洲。風光頗佳。樓畔一字。祭呂洞賓。
黃鶴樓空瓦閣新。武昌城枕大江濱。坡仙流寓知何處。
一字祠堂祀洞賓。

更登前岸晴川樓。樓後大鼉山有禹王廟。一拜而還。午時

赴日本人會招邀於其借樂部。此夜十二時乘汽船武昌
號。赴長沙。

十八日旭日映江。濁浪滾々。萬帆梭織。光景雄大。余嘗讀
唐宋諸賢詩。謂誇張過實。今知其不然。

濁浪滔々。溯岳州江源。疑自九天流。蜀山此去三千里。
夢遶棧雲峽。雨秋。

夜半泊岳州。缺月懸在岳陽樓。樓則府城一望樓耳。范希
文作之記。其名不滅。文之不可已。若是夫。

十九日前八時入洞庭湖。一條水路行洲沙間。在湖不知
湖。漸進至滌盡處。濁浪滔天。不見際涯。岳陽樓上偉觀可

語亦雄大
中洲

爲文士吐氣
恕軒

東晉徐氏精
傳一婦亦知
以黃州大官
為周瑜所據
後人盛名此
寔為人所共
寔今人起此
得無此者乎
我如古跡亦
有如此者乎
曠漢乎

想也。

城樓屹立氣氤氳水蘸吳天捲曉雲湖上偉觀千古是
記游無筆繼希文。

船長指左岸曰是周瑜火攻之處望之不過風浪嶺丘露
出其根無可稱山者且武昌城在東北相距數十里蘇軾
不得曰東望武昌或謂漢口西下數里更有赤壁武昌縣
在其東相距亦不遠雖無斷岸千尺水落石出之概有山
枕江是軾所舟游瑜火攻則在此不在彼是說無可疑矣
蓋軾彼此輾合寄傲江山風月以叙暢一時之感興耳
十萬艘一炬中周郎奇績藉東風二喬香骨今何在

不獨曹瞞夢作空。

午後二時抵長沙舟相輻輳街衢雜沓稱居人五十萬亦
一都會也高洲領事以轎迎入府。

二十日前八時主人誘余渡湘江登岳麓山經萬壽山白
鶴泉御筆亭抵雲麓宮道士所居憩望游亭西南遙望衡
嶽壁揭黃道讓一聯曰西南雲氣來衡嶽日夜江聲下洞
庭可謂善盡全景矣下而過愛晚亭綠樹紅楓秋色可賞
抵岳麓書院朱子所經營僅存其一今則為高等學堂校
舍連檐後堂祀朱張二子出門左顧丘上有屈原廟不知
汨羅在何處復渡湘水歸寓賦一詩似主人。

廿八字以慰新買
生從來人未道及
成齋

上文細想我邦
土此又何以物思
之善老何詩人忠
厚之玉佩可掬
成齋
翁頃寄示謝詩其
夥可知中洲

自古奇才買奇禍。治安策就鵬窺廬。長沙有此江山美。未必當年恨謫居。

主人示一古杖曰。此桃源道士所携。曾游彼地。無復洞口失路之憂。請割愛以扶子老。余受而視之。長五尺強。質似

蹶。踴而堅。頗有雅致。余曰。贈之自有其人。乃詩以言之。
道骨嶙然氣藹然。湖山翁是聖時仙。桃源道士一枝杖。千里齋歸壽萬年。

主人曰善。

廿一日介主人。通刺於積學葉德輝。瞿鴻機二氏。求會見。二氏快諾。葉氏答以置酒相待。乃賦一詩將往。乞正。俄病

作不果。其詩曰。

探古幽燕已浹旬。舟車昨自北京臻。江山趣與家鄉異。翰墨交同故舊親。險棧老嗟難入蜀。奚囊貧愧不如人。長沙楓葉洞庭月。暫向湖南息客身。

此夕力病。復乘武昌號向漢口。

廿二日舟載病行。

廿三日返漢口。養病至廿六日。游陟中空。過數日。遺憾曷勝。

水浮滾濁地吹灰。飲吸連朝酸病來。猶喜長江雄大景。使吾吟意轉恢々。

功名不復說周郎
古人既道之此點從
風月江山無主齋
化來尤妙成齋
文人吐氣如虹
風洲

廿七日病癒。午後九時發漢口。赴南京。船號南陽。船長木下氏熊本人。故犀潭先生從祖父孫也。其舊藩人。枋原草野二氏。爲昌平學友。井上鎌田竹添三氏。爲太政官僚友。皆先生高足弟子也。今獨存竹添氏耳。談及往事。無勝人琴之感。夜過黃州城下。此即蘇軾所舟遊赤壁云。

一從蘇老試舟遊。蓋世勳名不說周。風月江山本無主。好將二賦領千秋。

廿八日午前九時。碇於九江城外。凭舷而望。城中一塔高聳。城外人家聖壁映江。午正解纜。行一時餘。右望鄱陽湖。峰巒環遶。水色爲清。湖上有一古刹。眺望絕佳云。又行二

時。抵金鷄山下。山頗高。東南趾即彭澤縣。不知今有繼陶令高風者否。一巨巖聳面前。形如鷄籠。高數仞。斗立中流。草樹被之。號小姑山。頂置一亭。腹嵌一寺。朱欄白壁。屋三層。四面嶄然若無路者。不知何人創開。何人今住。人間斷緣。豈復有若是者乎。

梵宮占斷小姑山。隔絕人寰難可攀。誰識乾坤清若許。終身起臥濁流間。

右岸連山重疊。時見奇峭。巖角往往有堂宇。亦皆可入畫。憾終日風雨不能久在舷頭耳。

廿九日晚碇於蕪湖。二時餘而發。十一時半抵南京城外。

游朝表彰明靖難
諸臣誠為美舉
與小腆紀年小腆
紀傳二書詳備
必讀之書成齋
我板子十二橋亦
有此概中洲

可爾 中洲
阮亭十絕之遺
槐南

獅子山下。領事館員來迎。乘汽車。二里餘。入城中。蓬萊館
小憩。抵領事館。井原領事命馬車俱觀。明朝城趾及方孝
孺血痕石。蓋宮殿石階中央彫石也。有若血痕斑駁者。使
人一見不覺起敬。左宗棠建碑。題曰明靖難忠臣血痕碑。
熱血千秋。泣鬼神。豐碑彰表。有情人。燕師靖難。當時恨。
印石斑痕。磨不磷。
秦淮一小渠耳。疎柳斷橋。無些風情。而今猶有畫舫載阿
嬌而遊者云。
城闕荒殘。古帝州。山川歷劫。夕陽愁。六朝脂粉。秦淮水。
遺恨千秋。凝不流。

壁圖雙絕可匹中
唐李君虞 槐南
宛然唐閣 風洲

廿日介井原領事。通刺於兩江總督端方氏。求會見。總督
喜延客館。壁掛水拓瘞鶴銘。共午餐。出示其所藏古銅古
玉諸器。碑版書畫。鑑賞至五時辭去。迂路過鷄鳴寺。上北
極臺。昆明池在脚下。小嶼點在。風物荒涼。暮色蒼然而至。
乃歸寓。
昆明池水冷。荷菱北極臺。高雲幾層。龍鷁不遊。絲管寂。
秋風吹滿古金陵。
卅一日午前九時。驅車一里。登雨華臺。梁武帝時僧說法。
有雨華之瑞云。有一院。今充兵營。四面唯見土墳壘々耳。
抵莫愁湖。湖畔有閣。倚欄眺望。似昆明池而小。敗荷殘柳。

狼藉池心。隔湖有岡。上有石頭城。僅見殘壁。

梁武傷心和者多。千年遺恨莫愁歌。湖邊曾灑美人淚。奈此敗荷殘柳何。

午後二時。復過總督府。觀三代以下秦漢古印三千餘顆。多出直隸河南山東山西陝西五省。而直隸省其形極小。云。下庭觀石佛古棺及漢碑唐碣。庭前有池。池心疊石狀似舫。扁曰不繫船。池畔作怪岩。築書房於其上。頗有雅趣。賦一詩。表謝意而還。

綺壁先觀水拓銘。果知鑑古眼光靈。漢碑唐碣藏神品。商鼎周彝愛偉形。檻外鑿池橫石艇。殿頭通路架書亭。

恍有陪觀之想
中洲

連朝玩賞辱殊過。博雅餘論傾耳聽。

此夕總督贈以紹興酒一瓶及埃及石像楊本二幅。

十一月一日午前八時發。鐵路到碼頭。轉乘湖甯鐵車。總督遣人買辦鐵路符票。固辭不肯。可謂周摯懇到矣。十一時抵鎮江。下車登金山寺。寺據小丘。佛殿寶塔。修潔無比。僧徒二百餘人。聞管內一年收入至三萬圓。西望則焦山在江中央。北則遙望揚州。繁華風流。今猶冠一州。有江天一覽四大字碑。曾國藩模康熙帝御筆以建之也。極目江天。烟水悠悠。畫中齊樹。是揚州繁華猶足追殘夢。鶴背誰人擬一遊。

午後二時又乘火車。座右有一清人。年少善我邦語。曰曾隨父在東京五年。今也喪父。將期明年一月再往入早稻田專門學校。問其姓氏則蔡公使蔭子國棟也。對話數刻。遂與晚餐。七時抵蘇州。約再會而別。驅馬車里餘。投城外月迺家。

二日朝備轎抵城中玄妙觀。觀內熱鬧。若我淺草寺。去登北寺塔。塔九層。架階子十八。高數十仞。極目遼瀾。城中萬家在脚底。如與南京同疆域者。聞清廷所用絹米皆出此地。古稱蘇杭之富冠天下。今猶見餘風。歸路過開元寺。唯存一經閣。係萬曆年間修理。閣上四壁嵌石刻梵網經。亦

古跡觀風景往々
有此類風洲

古鐘句奇 槐南

萬曆間物。聞唐代藏經羅髮賊災。悉歸烏有。可惜也。午後又備轎子。經二里抵寒山寺。小院荒廢。有一鐘。係近時新鑄。聞團匪之亂。古鐘爲惡漢所掠奪。落上海骨董商手。後轉歸我富山縣某寺。寺僧當鑄造大鐘。投之爐中以充其用云。張繼楓江夜泊詩。膾炙人口。今唯有文徵明勒其詩之斷碑。他無足觀者。楓江亦一小渠耳。使人呆然。

月落烏啼。驚客魂。乾坤猶有一詩存。古鐘聲斷。新鐘鑄。夜半江楓漁火村。

詞客愁眠竟不濃。依稀漁火說遺蹤。霜天落月楓橋曉。千古敲餘山寺鐘。

回轎一里登虎丘。有池號劍池。秦皇探劍處。云有九層塗。梁帝所建。剝落傾危。蓬蒿沒礎。有怪石曰千人岩。可以坐千人。蓋剗石餘也。其嶄然爲斷岸處。古賢刻詩不絕。其下即劍池也。

虎丘名勝地。風冷夕陽悲。梁代築花塋。秦皇探劍池。草埋殘碣字。雨洗斷崖詩。懷古人多感。低徊欲去遲。

西南望靈巖山。吳王宮趾及西施琴臺遺跡在焉。其西北天平山。有范文正公廟。老樹深遶。霜葉方紅。憾不得一遊。三日午前九時。赴我領事府。遙奉賀天長聖節。歸途跨驢抵吳江橋。沽輕舟觀錦帶橋。唐王仲舒自賣寶帶。創設之。

結得輕妙 想軒

以便行者。故名。長五百弓。幅二弓。橋下駢開半月形水道五十八。中央頗大。以充舟楫往來。真爲偉觀。午後七時。趁領事府夜會。

鳳闕辭來將五旬。姑蘇城外遇佳辰。御前例賜豐明宴。鸚鵡今應集紫宸。

同祝嘉辰氣滿然。蘇州陪宴老藍田。嵩呼遙獻霞觴酒。萬壽聲應達九天。

四日午後一時。冒雨步江邊。前岸城壁下有小祠。伍子胥墓。日清汽船會社。特供一畫舫。有客室。桌椅皆備。牕戶障壁。彫鏤精巧。鍍金裝飾。修潔頗有雅趣。寢室可容四人。

北清恐無此景趣
中洲

梅妻鶴子天秩最
高想軒

小輪船曳之而行。復過錦帶橋畔一里強。右望吳江縣城。五日雨。午前八時抵杭州城。我領事府員來迎。乘橋一里而至府。傍山面湖。近眺湖心亭。遠望雷峰塔。蘇堤橫其下。白沙堤通孤山。山光水色。洵爲佳處。午餐後。主人吉岡氏誘余乘舫。衝雨抵一洲。石橋參差屈曲。延長五六百步。結構頗壯。中央有卍字亭。傍有關帝廟。左右蓮池。南端有三潭印月。十景中之一也。北端有靖難儒將彭剛直麟故居。去上孤山。巡覽聖因寺。俞樓。小瀾閣。蘇小小。馮小青。林和靖及其兒墓而還。

風拂仙姿。月寫神。暗香疎影。幾千春。休言處士有兒墓。

仍是梅妻鶴子人。

六日雨未罷。午前八時備轎。主客相誘過白沙堤。抵一灣。稱平湖秋月。亦十景之一也。築石作壇。以爲觀月場。有乾隆帝詩碑。湖光瀲灩。宜月可知矣。詣鄂王廟。祀岳飛及諸將。傍有飛父子墓。頗修整。蓋係明末清初修繕。過清澗寺。有池。水清鯉肥。稱玉泉觀魚。亦十景之一也。去向靈隱寺。到一溪橋。橋畔巨巖皆寒水石。鑿開洞道。內外上下刻諸佛。多金元作。古苔剝蝕可愛。進至門前。有壑雷冷泉二亭。當面飛來峰。綠樹與紅葉相掩映。清泉奔激。飛雪隔溪。崖上有翠微亭。入門堂宇爲髮賊所燒。假設本堂以安諸佛。

實事非比作活對
忽軒
兩聯收盡西湖
趣復更倍誰
中洲

有石塔四基。開寶二年所建。彫刻精巧。蕩餘多缺損。可惜。寺域廣潤。爲一大古刹。聞昔時我邦僧徒來居者不絕。出門午餘於壑雷亭。溪山幽清。嵐氣襲衣。巡覽上中下三天竺寺。皆爲淨境。此夕微月照湖。夜色頗可。案湖志。長堤六條。寶塔九座。園亭橋梁塚墓寺共七百十八。古蹟四百三十四。真勝地也。

七日晴。紅暎跳出城上。湖烟漸消。山光水色。呈晴好之勝。憑欄矚目。益知爲名湖也。

老懷隨處賦悠悠。名境俊遊三日留。月榭夕憑晴好檻。柳堤秋放雨奇舟。雲搖峰影塔將倒。樹立水心亭似浮。

幹旋極妙 忽軒
平昔所慣吟名句
中今也曠傲何等
愉快可羨可妬等
中洲

滿目湖山皆畫趣。如斯絕勝倩誰收。

朝餐後。乘轎入城一里。登吳山。右顧錢塘湖。左盼西湖。中央卽杭州城。聖壁連甍。人口八十万。富壓蘇州云。遠近名勝。攢蹙雙眸。尺寸千里。無一遁形。吉岡氏齋行厨。且飲且眺。快不可言。

雲湧脚跟傳午鐘。望中無地不名蹤。兩湖應有魚龍駭。嘯傲吳山第一峰。

午後三時。下山過市街。出正泰門。乘汽車抵拱宸橋。五時上來時畫舫而發。此夜月明。水光映牕。

八日過嘉興松江二府。午後三時遙視一塔。知上海將近。

北清有此壯觀乎
中洲

舟愈進。河愈濶。帆檣林立。船艦碇泊。不知其數。兩岸巨屋
層樓。連檣屹立。大壯人目。四時半。達碼頭。馬車來迎。入豐
陽館。

申浦繁華。勝所聞。埠頭船艦。簇如雲。人言市況。壓香港。
大厦康衢。車馬紛。

九日朝到清人商舖。買土宜。午後舊知人白岩某來訪。囑
馬車訪總領事永淵氏於其府。去游愚園而還。街衢之盛。
煉瓦石屋。大抵三層至七層。車馬如織。往來雜沓。可以知
商業之繁榮矣。口數稱百萬。中有邦人七千。歐米人壹萬
五千云。

大然

忽軒

經濟家可無一
乎中洲

十日午後永淵氏來迎。招饗其邸。

十一日正午赴日本人偕樂部午餐會。賦似。

清俗韓風。任筆論。問奇探勝。慰詩魂。舟車到處人迎送。
得此優游。亦聖恩。

自釜山火車至奉天。數百里。山皆童。土腹而草肥。種樹植
林。可以涵養水源。而灌溉田疇。而空委放牧。富國之術。得
無遺算乎。

清國造家之制。前面有門。門左右為客室。進至庭。左右有
房。又過一門。至中庭。左右室房如前。而後有正寢。無論貴
賤。大抵一其規。但有精粗大小之差耳。庭皆敷石。不種樹。

守舊之俗可知
中洲

此則可學 中洲

孔子曰與其奢也寧儉也與其易也寧難也
乎噫今日猶不改中洲

木不如我邦之多趣味也。清韓人運土修路。緩慢殆類兒戲。或曰彼雇錢大廉。不當我邦三分一。故然。然生費亦極少。一日所得可支三日。清人則鶻衣糲食。忍耐貯蓄。常有數十金。以備病歿。此我邦人所無。漫遊中所見。山野田隴土之壘々者。皆墳墓也。多無標識。儘有之。不過一小片石。數十年後。恐失其所在。聞清韓人厚殮重葬。有爲蕩產者。豈得無非盛飾以競美觀乎。何其墳墓之陋也。比之我邦建豐碑。鐫諛辭。以災貞珉者。何如哉。古人謂中庸難能也。信矣。

北清無水利之便。勞驢背馬脚多矣。南清則不然。鑿溝渠以分江水。挾水構屋。往々屋前無路。以水爲路。舟楫往來戶庭。乃知彼所謂南船北馬。不啻匆忙之謂。亦記其實也。清國市街。除北京奉天外。廣不過十步。石路濕滑。人馬雜糅。所謂肩摩轂擊。良有以也。清人馴養獸類。能順其性。驢騾牛馬。混用數頭。服一車。以供耕耘運搬。曾無蹄齧之狀。

北京城中見駱駝馱物。一行五六頭。或十頭。以細繩連結。一人牽之。他順次擡首徐進。最後一頭頸繫大鈴。鐃々遠響。是皆踰八達嶺往來蒙古地方者。內地馱穀多用驢。一

行十數頭不施繩。一人執鞭叱々。彼自讓路而行。雖都市雜沓中不敢爲妨害。其狀可愛也。

清韓每戶概蓄犬。以備穿窬。到處噙々相聞。時見蒙古產獬猛如虎。不見一洋種也。馬亦然。

除奉天地方外。不見一鴉。到處群鶻嗜々。長尾白腹。小者如鳩。大者如鴉。不敢獵獲。謂報喜。因稱喜鶻。

十二日午後二時。乘汽船筑前號而發。十四日晚達長崎。一夢覺看明媚秋曉。天瓊浦繫歸舟。經來濁水童山境。

倍覺秀靈鍾我州。

此夜轉乘汽車。踰馬關。十五日夜抵神戶。時 我皇演武。

真情吐露 忽軒

一枯與卷皆詩
結見卷皆詩
應亦壯亦快
深亦壯亦快
有亦壯亦快
力亦壯亦快
中收得

駐蹕於舞子。翌十六日往候。此夜東上。

十七日前九時半歸京。此行費時五十有七日。經程三千餘里。見聞所及。隨處隨錄。輯成一冊。名曰葦杭遊記。他日得爲歐米之游。則將紀其行程。以續此編。豈不亦老後一大快事乎。

藍田君之詩。衝口而發。若不構思者。而琅々然皆爲金玉聲。洵天才也。文亦不假雕琢。叙來叙去。能竭其情意。卽爲紀行文上乘。

成齋 重野 繹

吾兄雖少余近十歲。既踰古稀。僅々二閱月。歷遊三千

里之地。或文。或詩。以詳記其山川土俗人物及古蹟名區。使讀者恍如遊真境。非身健才敏。惡能至此。然非我皇多年經營滿韓之地。掃攘障害。亦不能舟車安穩。爲此快遊。則詩中所謂得此優遊亦 聖恩。可謂知其所因者矣。且余齡既躋八秩。身衰才減。不能遠遊得佳稿。幸因吾兄示此稿。閉戶擁爐。三日繙閱。臥遊三千里之地。亦不可不謂友人之賜。又 聖恩之餘澤。評畢獻謝者久之。

同學老友 中洲 三 嶋 毅拜

五旬遊迹。即事即文。即景即詩。凡耳目所謀。襟契所投。

無不側見橫出。箕邦禹域之觀。略盡于斯矣。僕亦曾隨春畝統監。御風破浪。其足跡大約不出卷中所記之外。試於香清茶熟之時。展讀數則。覺吾雪泥鴻爪。畢現紙上。夢寐舊游。尙堪歷溯。樂莫過焉。因注數語。併志傾服。

後學 森 大 來拜讀

葦杭游記終

附錄

送藍田前輩游清韓次其留別原韻

禾原 永 井 久

江柳蕭疎江水深。送人情緒我難禁。煙臺月冷秦時影。澤國秋寒楚客心。畫舫連宵須縱飲。名樓到處儘幽尋。奚囊收盡山川勝。文采風流獨步今。

敬香 大江孝之

三萬頃湖才更深。老如不老喜何禁。賦傳千歲坡翁筆。名擅一時霞客心。歷代典章供檢討。累朝陵廟入探尋。大江南北幽燕地。看得滄桑感古今。

北馬南船情興深。雖難作伴羨難禁。煙霞領畧仍青眼。文
獻徵求此素心。勝地丁籠延客飲。名都甲第帶僮尋。古稀
而遂四方志。老健何唯獨步今。

天放 秋月 新

滄海休言萬仞深。軒昂意氣孰能禁。賢勞飽講經邦策。游
覽猶贏報國心。時治非要渡江誓。識高何學刻舟尋。與君
分手又慷慨。白髮如霜奈我今。

越山 芳川 顯正

徵逐詞壇一日名會深。秋涼躍馬羨難禁。意中山水驅椽筆。
天外煙霞寫錦心。楚尾吳頭整空去。炎雲朔雪御風尋。遊

蹤四百餘州遍。應有奇文獨步今。

青萍 末松 謙澄

壯舉欽君抱負深。望其行色感難禁。一胸填得吞夢氣。萬
里披來破浪心。三省烟雲資攬結。六朝金碧任追尋。山河
到處詩堪賦。風景何曾無古今。

香園 土居 通豫

昭代名臣恩眷深。觀風萬里老難禁。箕邦城闕幾多思。禹
域關山迢遞心。涇渭分流須檢討。項劉留跡足追尋。金甌
玉盃向誰問。懷古知君還感今。

文海雅知涵養深。秋風載筆感何禁。眼看金碧南朝夢。誰

起蒸黎北闕心。平壤月明群鶴舞。洞庭葉落一帆尋。歸來
應賜 聖皇覽袖裏詩程羅古今。

晚香 菊池 武貞

紅葉黃花秋色深。天恩賜暇喜何禁。多年海外觀光志。
此日江頭叙別心。燕市名流含笑接。吳山勝跡拂雲尋。高
齡矍鑠前賢似。行見雄吟歷後今。
平生文氣最雄深。休沐遭秋感不禁。上國問詩吳季跡。九
州載筆馬遷心。舊都寶鼎歸摸寫。廢寺奇書入考尋。博物
館中他日賞。一遊收得古兼今。

霞村 山口 賴定

長劍橫秋逸興深。鯨濤萬里感何禁。楚山峻比騷人旨。吳
水清同君子心。天竺禪師家那處。東坡居士迹堪尋。欽公
遊倦歸鞍日。雋句佳聯絕古今。
聖朝顯達感恩深。賜暇數旬歡不禁。請看雲鵬張大翼。欲
衝牛斗駕天心。紅橋畫舫風流足。綠水青山自在尋。史上
興亡幾千載。健毫說破去來今。

映雪 谷村 康

詩興秋來次第深。圓南鵬志轉難禁。宮堦暫謝鷺鷥列。勝
境且隨猿鶴心。前漢字形殘碣覓。盛唐文物斷章尋。江山
閱盡幾興廢。欲待騷人語古今。

皇恩深似海洋深。公暇清游歡不禁。峽雨棧雲隨客夢。塞鴻關月動吟心。箕邦遺跡駐鞍弔。禹域山河載筆尋。隣比何幸非土感。交通千載到于今。

槐南 森 泰 二 郎

海上鷗波浩蕩深。優閒天假樂何禁。聊償宗慤乘風志。且娶張華博物心。珠玉文章快先覩。山川人物恣遐尋。歸來翔泳鱗洲水。似此仙曹少古今。

雪莊 中 田 敬 義

禹域雲煙迢遞深。遨遊載筆興何禁。鵠劉造化推高手。跋涉山河見壯心。時讀殘碑催感慨。每逢勝蹟費搜尋。知君

歸日譜形勢。咫尺 龍顏陳古今。

九峰 高 島 張 輔

山自岩嶠水自深。隣邦問俗思何禁。存亡須察齒唇勢。肥瘠莫分秦越心。燕市風塵誰盪滌。雞林塔閣幾登尋。看君詩筆多逾麗。愛古仍知不薄今。

仙坡 勝 島 仙

禹域箕邦足跡深。推移世態感何禁。閭閻風俗觀殊致。河岳英靈資壯心。萬里秦城鞍馬過。六朝蕭寺筍輿尋。遊踪歷歷編詩史。坐使詞曹較古今。

洋洋 聖澤與年深。北馬南船苦克禁。漢水蘆花粘白髮。

吳江楓葉照丹心。歷朝陵寢蘋蘩薦。三峽詞源夢寐尋。眼底山河獲神助。老蒼詩格自超今。

松陵 山口宗義

漢水楚雲秋色深。勝遊想見感難禁。一雙野屐煙霞興。五斗錦囊冰雪心。景物及時須靜賞。風流隨處足幽尋。故人載筆峨眉路。山月半輪明到今。

魯堂 平井 參

夙趁鸛班恩寵深。六旬賜暇喜何禁。風前擊筑幾行淚。月下聞笳千里心。鄒嶧殘碑停馬讀。湘潭遺跡倩舟尋。歸來應是奚囊重。才學如君絕古今。

鸞州 松浦 厚

應有秋天感慨深。南船北馬與何禁。潛龍豈是九淵物。老鶴常懷萬里心。天柱峰頭乘月上。姑蘇寺畔聽鐘尋。民情異趣江南北。定識觀風察古今。

箕笠 大野 清

禹域箕封秋正深。官家賜暇快何禁。濟時志業酬明主。報國文章見赤心。土俗人情親視察。名區勝境遍探尋。高齡意氣猶雄壯。天下如翁少古今。

統監府席上。次韵奉和股野藍田仁兄大詞伯雅正。

雲養 金允 植

霞箋雨墨在芝城。尙戀主翁投轄情。膝間人來重九近。萍蓬此地感浮生。

股野瘦仙君來湘。悵不得見。留詩爲別。口占奉答。即正之。

瞿鴻機

長沙霜葉洞庭月。來詩原句海外詩仙擲筆吟。想見神山歸棹後。臥遊時復寄遐心。

戊申十二月。藍田股野君携一古杖突如來訪曰。昨自清韓至此。杖桃源道士之遺。敢壽翁萬年。添以一詩。君以余有父執之誼。在千里外猶倦々如此。古人之道也。

欣然賦之述謝。

湖山小野愿

孝子之情何藹然。愛將父執喚神仙。齋斯殊域名山物。歸爲衰翁壽萬年。

一枝古杖狀瑰奇。傳是桃源道士遺。萬里齋歸意何厚。欲扶垂百老人衰。

藍田股野君頃自清韓之游歸。有葦杭游記之作。記述詳贍。難以賦詠。當其懷古接今。俯仰感慨。警發人意。殊耐尋味。登高能賦。信大夫之材也。昌業讀而大快之。即用其臨行留別詩韵。以寄呈。請正。

櫻泉小牧昌業

想子出門秋正深。稜々意氣自難禁。箕邦禹域縱橫筆。鯨
海鵬程嘯傲心。季子聞歌言可驗。夷吾觀國法堪尋。管子八
觀篇論
法流連不作尋常語。警策時々括古今。

葦杭游記附錄終

明治四十二年七月二十日印刷
明治四十二年七月廿五日發行

發行兼 著 者 股 野 琢

東京市赤坂區仲町五番地

印 刷 者 垣 内 伊 太 耶


東京市本所區湯島町四番地

印 刷 所 凸版印刷株式會社分工場

東京市本所區湯島町四番地



| |
|-----|
| 116 |
| 87 |



026476-000-0

115-67

葦杭游記

股野 琢(藍田) / 著

M42

ADD-0132

